



Vogošća, ul. Jošanička, br. 80; tel: 00387 33 586 413, fax: 586 444

Broj: 07-11-1989/25
Vogošća, 29.01.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 29.01.2026. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU USLUGE IZRADA GLAVNOG
PROJEKTA REKONSTRUKCIJE PLATO (VANJSKOG UREĐENJA) OKO OBJEKATA MZ
HOTONJ, OPĆINA VOGOŠĆA
Član 1.

Ponuda ponuđača "RMK Engineering" d.o.o. Sarajevo, ulica 24. Juna br. 18 b, Vogošća, odabrana je za nabavku usluge Izrada glavnog projekta rekonstrukcije platoa (vanjskog uređenja) oko objekata MZ Hotonj, općina Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 6.250,00 KM bez uračunatog PDV-a, odnosno 7.312,50 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 24.12.2025. godine donio Odluku o pokretanju Otvorenog postupka nabavke usluge Izrada glavnog projekta rekonstrukcije platoa (vanjskog uređenja) oko objekata MZ Hotonj, općina Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.12.2025. godine pod brojem: 1353-1-2-233-3-179/25.

Sažetak Obavještenja o nabavci objavljen je u "Službenom glasniku BiH" broj: 01/26 od 09.01.2026. godine.

Tendersku dokumentaciju sa Portala javnih nabavki BiH je preuzelo 24 (dvadesetčetiri) ponuđača.

Krajnji rok za dostavu ponuda bio je 21.01.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.01.2026. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1989/25 iz decembra 2025. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 8 (osam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	OBRT "CUTE DESIGN PROJECT"	7.999,00	/	/	7.999,00
2	"TZI INŽENJERING" d.o.o. Sarajevo	8.140,00	/	/	9.523,80
3	"STUDIO DVA" d.o.o. Sarajevo	7.900,00	/	/	9.243,00
4	"ROUTING" d.o.o. Banja Luka	7.900,00	/	/	9.243,00
5	"ARTING BH" d.o.o. Sarajevo	8.000,00	/	/	9.360,00
6	"DESIGN&QC" d.o.o. Sarajevo	8.000,00	/	/	9.360,00
7	„RMK Engineering“ d.o.o. Sarajevo	6.250,00	/	/	7.312,50
8	"WIDE" d.o.o. Visoko	6.666,00	/	/	7.790,22

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača OBRT "CUTE DESIGN PROJECT" ne ispunjava formalno-pravne uslove tražene Tenderskom dokumentacijom i to:

Tačkom 8.1.4. TD koja se odnosi na pripremu ponude navedeno je: „Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata.

U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude”.

Nadalje u TD se navodi: „Sve strane ponude moraju biti numerisane na način da je vidljiv redni broj stranice ili lista, u skladu sa članom 8. stav (6) i (7) Uputstva za pripremu modela tenderske dokumentacije i ponuda”.

Ponuđač OBRT "CUTE DESIGN PROJECT" je dostavio svoju ponudu, ali ponuda nije uvezana na način kako je traženo tenderskom dokumentacijom, te stranice u ponudi nisu numerisane kako je propisano odredbom člana 8. stav (6) i (7) Uputstva za pripremu modela tenderske dokumentacije i ponuda.

Shodno navedenom, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda ponuđača OBRT "CUTE DESIGN PROJECT" je nepravilna i kao takva nije prihvatljiva za ugovorni organ.

Komisija je konstatovala da ponuda ponuđača "TZI INŽENJERING" d.o.o. Sarajevo ne ispunjava formalno-pravne uslove tražene Tenderskom dokumentacijom jer u Ponudi ponuđača nije dostavljena Izjava iz člana 50. Zakona o javnim nabavkama BiH – Aneks 5 TD, a koju je ponuđač trebao popuniti, te potpisanu i ovjerenu od strane ponuđača dostaviti u ponudi.

Naime, u TD tačka 7.4.1. pod b) navedeno je da je ponuđač dužan ispuniti slijedeće uslove tehničke i profesionalne sposobnosti: „obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga, tj. da ponuđač za potrebe realizacije predmeta nabavke ima na raspolaganju angažovano tehničko osoblje“.

Tačkom 7.4.2. pod b) traženo je „Izjava Ponuđača (Aneks 5 TD) u kojoj će navesti da će angažovati ili imati na raspolaganju stručna lica za svaku fazu projekta (arhitektonsko-građevinska, elektro i hidro faza) koja ispunjavaju sve uslove za izradu i ovjeru tehničke dokumentacije predviđene Zakonom o prostornom uređenju Kantona Sarajevo ("Službene novine Kantona Sarajevo" broj: 24/17 i 1/18) i drugim zakonskim propisima koji regulišu ovu oblast“.

I Tačkom 8.2.1. Sadržaj ponude pod 7) je traženo da ponuđač dostavi: „Obrazac pismene izjave iz člana 50. Zakona o javnim nabavkama BiH ("Službeni glasnik BiH" broj 39/14, 59/22 i 50/24), sačinjen i popunjen u skladu sa šemom koja je data u Aneksu 5. tenderske dokumentacije, potpisana i ovjerena od strane ponuđača“.

Shodno navedenom, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda ponuđača „TZI INŽENJERING" d.o.o. Sarajevo je nepravilna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "STUDIO DVA" d.o.o. Sarajevo,
- "ROUTING" d.o.o. Banja Luka,
- "ARTING BH" d.o.o. Sarajevo
- "DESIGN&QC" d.o.o. Sarajevo
- „RMK Engineering“ d.o.o. Sarajevo i
- „WIDE“ d.o.o. Visoko

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela pristiglih ponuda ponuđača, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge Izrada glavnog projekta rekonstrukcije platoa (vanjskog uređenja) oko objekata MZ Hotonj, općina Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"RMK Engineering" d.o.o. Sarajevo	6.250,00	7.312,50

2	„WIDE“ d.o.o. Visoko	6.666,00	7.790,22
3	"STUDIO DVA" d.o.o. Sarajevo	7.900,00	9.243,00
4	"ROUTING" d.o.o. Sarajevo	7.900,00	9.243,00
5	"ARTNG BH" d.o.o. Sarajevo	8.000,00	9.360,00
6	"DESIGN & QC" d.o.o. Sarajevo	8.000,00	9.360,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "RMK Engineering" d.o.o. Sarajevo, za nabavku usluge Izrada glavnog projekta rekonstrukcije platoa (vanjskog uređenja) oko objekata MZ Hotonj, općina Vogošća, kao prvoplasiranom na Rang listi, sa ponuđenom ukupnom cijenom nabavke u iznosu 6.250,00 KM bez uračunatog PDV-a, odnosno 7.312,50 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradila: Meliha Čolpa

Kontrolisala: Đejna Sarač

OPĆINSKI NAČELNIK

Migdad Hasanović

Dostavljeno:

1. OBRT "CUTE DESIGN PROJECT"
2. „TZI INŽENJERING" d.o.o. Sarajevo
3. "STUDIO DVA" d.o.o. Sarajevo
4. "ROUTING" d.o.o. Banja Luka
5. "ARTING BH" d.o.o. Sarajevo
6. "DESIGN & QC" d.o.o. Sarajevo
7. "RMK Engineering" d.o.o. Vogošća
8. „WIDE“ d.o.o. Visoko
9. Nadležnoj Službi
10. U dosije
11. a/a

hadzicalija22@gmail.com
tzi@tzi.ba
irnes.mujagic@gmail.com
javnenabavke@routingbl.com
artingbh@gmail.com
design.cqc@gmail.com
info@rmk.ba
wide.projekt@gmail.com